



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0013248 16
Sarajevo, 21.09.2022. godine

SUD BOSNE I HERCEGOVINE
SARAJEVO
- Sudiji za prethodno saslušanje -

Na osnovu člana 35. stav 1 i 2 tačka h) te člana 226. i 227. ZKP BiH podižem,

OPTUŽNICU

Protiv:

BOŠNJAK MLADENA, zvanog „Bebi“, rođenog
1981. godine u Fojnici,

državljanina BiH i RH,

DRAKUL BOJANA, zvanog „Bojo“, rođenog
1989. godine u Foči,

državljanina BiH,

Što su:

Bošnjak Mladen i Drakula Bojan kao članovi grupe, zajedno i zajedno sa članom grupe [REDACTED], koju grupu je organizovao NN [REDACTED], te sa više njima poznatih osoba;

Nakon što je NN [REDACTED] u vremenskom periodu od 25.11.2016. godine do 03.12.2016. godine, organizovao i rukovodio grupom za organizirani kriminal u smislu člana 1. stava (22) Krivičnog zakona Bosne i Hercegovine, u cilju pribavljanja protivpravne imovinske koristi neovlaštenom međunarodnom kupoprodajom, prenosom, prevozom, držanjem, posredovanjem u daljoj međunarodnoj prodaji, slanjem i isporukom opojne droge marihuane (*canabis sativa*), a koja droga je Konvencijom o psihotropnim supstancama od 1971. godine i Rješenjem o popisu opojnih droga (Službeni glasnik RBiH, broj 2/92 i 13/94), proglašena opojnom drogom i čiji se promet može obavljati samo na temelju dozvole nadležnog organa u skladu sa Zakonom o proizvodnji i prometu opojnih droga (Službeni list R BiH broj 2/92, 13/94) i čiji je promet zabranjen odredbama Zakona o sprečavanju i suzbijanju zloupotrebe opojnih droga (Službeni glasnik BiH, broj 8/06, 103/08, 51/11), kojoj su kao pripadnici grupe pristupili Bošnjak Mladen, Drakul Bojan i [REDACTED], na način da je NN [REDACTED] najprije od njemu poznatih osoba iz Crne Gore nabavio opojnu drogu marihuanu, ukupne bruto težine 81,165 kg, a zatim angažovao članove grupe, Bojana Drakula i Bošnjak Mladena da najprije tu drogu smjeste na području Foče, što su isti i učinili i smjestili je na dvije lokacije i to u kuću [REDACTED] Bojana Drakula i u vikendicu [REDACTED], a zatim da istu drogu preuzmu i transportuju do Kiseljaka, a onda da je smjeste u namjenski prepravljeno vozilo s bunkerom, nakon čega da se organizuje transport droge preko Slovenije do Berlina, a nakon koje realizacije transporta i prodaje te droge za ukupan iznos od 36.000 Eura, polovinu iznosa bi podijelili Bošnjak Mladen i [REDACTED] a drugu polovinu organizator NN [REDACTED] i Drakul Bojan, pa je tako radi realizacije dogovorenog, Bošnjak Mladen, putničkim motornim vozilom VW Golf, registarskih oznaka [REDACTED], zajedno sa [REDACTED], koji je upravljao putničkim motornim vozilom Cadillac, na koje je Bošnjak postavio registarske tablice [REDACTED] koje pripadaju putničkom motornom vozilu Alfa Romeo, koje je vlasništvo pravnog lica „[REDACTED]“ i zajedno sa NN a njima poznatom osobom koja se vozila s [REDACTED], dana 25.11.2016. godine, otišli u Foču, gdje je [REDACTED] sačekao dok su se Bošnjak Mladen i Drakul Bojan odvezli vozilom Golf, u obližnju šumu, odakle su se vratili nakon 20-ak minuta, da bi pored garaže koja se nalazi u blizini kuće Drakul Bojana, [REDACTED] Bošnjak Mladen i Drakul Bojan, iz vozila Golf prenijeli pakete s marihuanom upakovane u PVC foliju, u prtljažnik vozila Cadillac, nakon čega je [REDACTED] sjeo u vozilo Golf reg.oznaka [REDACTED] a Bošnjak Mladen u vozilo Cadillac i uputili se prema Kiseljaku, gdje je po dolasku u Kiseljak, Bošnjak Mladen, vozilo Cadillac s opojnom drogom parkirao u blizini srednje škole [REDACTED], koje vozilo tako parkirano sa drogom u prtljažniku stajalo 4-5 dana, za koje vrijeme su u periodu od 25.11. do 01.12.2016. godine, Mladen Bošnjak zajedno s [REDACTED] i zajedno sa njima poznatim osobama, pripremili skriveni prostor na platformi za utovar vozila za vuču na vozilu Fiat Ducato, registarskih oznaka [REDACTED], vlasništvo Bošnjak Mladena, u koji skriveni prostor su dana 2.12.2016.godine, Bošnjak Mladen i njemu poznata osoba, iz vozila Cadillac, koje je [REDACTED] s parkinga prevezao u garažu, prenijeli i smjestili najmanje 67 paketa marihuane, upakovane u PVC foliju, ukupne mase 81,165 kg, nakon čega je [REDACTED], po uputama Bošnjak Mladena a koje je prethodno isti dobio od organizatora NN [REDACTED], dana 02.12.2016. godine, krenuo navedenim vozilom u kojem se nalazila skrivena opojna droga iz Kiseljaka prema krajnjem odredištu, i to relacijom preko Zenice, Doboja, Modriče, Slavenskog Broda, potom Slovenije, s namjerom da drogu doveze do dogovorene lokacije, pri kojoj vožnji se Bošnjak Mladen kretao svojim vozilom Golf 4 plave boje, reg. oznaka [REDACTED], kao prethodnica [REDACTED] od granice BiH i Hrvatske prema granici sa

Slovenijom, s kojim je tokom puta telefonom komunicirao i usmjeravao [REDACTED] kojim pravcem da vozi i gdje treba da stane, prethodno se sastavši s njim na pumpi „[REDACTED]“ gdje je Bošnjak dao [REDACTED] dva mobitela za komunikaciju s njim, da bi dana 02.12.2016. godine na Graničnom prelazu Grušovje u R. Sloveniji, [REDACTED] bio vraćen zbog neispravne svjetlosne signalizacije na prikolici, o čemu je telefonom obavijestio Bošnjak Mladena, da bi po uputama istog, dana 03.12.2016. godine, [REDACTED] ponovo pokušao preći granicu na Međunarodnom graničnom prelazu Gruškovje, kada je oko 9,25 sati kontrolom navedenog vozila od strane carinskih i policijskih organa Republike Slovenije, u skrivenom prostoru na kamionu otkriveno i pronađeno 67 paketa marihuane, ukupne mase 81,165 kg, upakovane u providnu PVC foliju, za koju je vještačenjem potvrđeno da se radi o konoplji (tetrahidrokanabiol 8 THC).

Dakle,

kao članovi grupe, postupajući po uputama organizatora grupe, smjestili drogu koju je organizator nabavio iz Crne Gore, na području Foče, potom istu preuzeli i prevezli iz Foče do Kiseljaka, smjestili je u namjenski prepravljen bunker u vozilu, te realizovali neovlašten prevoz radi međunarodne prodaje, prenosa i isporuke opojne droge, ukupno 81,165 kg opojne droge marihuana iz Bosne i Hercegovine preko R Hrvatske, R Slovenije, u R Njemačku odnosno supstanci ili preparata koji su propisima proglašeni opojnim drogama.

Čime su počinili krivična djela, Organizirani kriminal iz člana 250. stav 1. u vezi sa krivičnim djelom Neovlašteni promet opojnim drogama iz člana 195. stav 1 KZ BiH.

Tužilac
Tužilaštva-Tužiteljstva BiH